



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1843

IX. Herzog Boguslav von Pommern bestätigt die Schenkung von Broda und dessen Zubehör dem Domstift Havelberg, im Jahre 1182.

[urn:nbn:de:hbz:466:1-54314](https://nbn-resolving.org/urn:nbn:de:hbz:466:1-54314)

IX. Herzog Boguslav von Pommern bestätigt die Schenkung von Broda und dessen Zubehör dem Domstift Havelberg, im Jahre 1182.

In nomine patris et filii et spiritus sancti. Boguzlaus, diuina donante gratia Pomeranorum dux, Quoniam maxima ex parte plebs dicioni nostre subdita rudis in disciplina fidei Christiane et indocta esse dinoscitur, si boni propositi et sancte conuersationis uiros pia consolatione fouendos et continua protectione fideliter seruandos suscipimus, incredule genti nostre ad uere fidei cognitionem et bonorum operum edificationem, nobis autem ad anime corporisque salutem ualere non dubitamus. Quo circa religiosos de congregatione Havelbergensis ecclesie uiros, regulam beati Augustini secundum institutionem domini Norberti Magdeburgensis archiepiscopi professos, quos beate memorie Cazimerus frater meus laudabili deuotione collegerat prediisque donauerat, nos pari dilectione amplectimur et cuncta, que eius largitione possederunt, consentientibus filiis nostris Ratiburone et Wartizlao, in ius rate possessionis in perpetuum eis confirmamus, uidelicet uillam Brod nominatam, cum foro, taberna et omnibus attinentiis suis, et has uillas: Wigon, Woitin, Reze et Wolcaz, Cameniz, Vilin et desertas uillas, que a Uilin inter fines Chotebanz, Lipiz et Hauulam iacent, et salinam, que est in Cholchele, cum omni utilitate, que per laboris industriam futuro tempore fieri potuerit ibidem ex sale. Et quia frater meus, antequam stabilem inciperent construere mansionem, rebus est humanis exemptus, liberam eis concedimus facultatem, ut quecumque ex supradietis uillis aptior et commoditati eorum opportunior extiterit, deo annuente in ea edificent prospero successu. Precipimus etiam omnibus sub potestate nostra manentibus, ut sollerti custodia studeant obseruare, ne ab ullo pestilente quolibet dampno, siue clam seu palam illato, predicti canonici nobis dilecti uexentur, quia non solum reus, si detectus fuerit, graui sententie subiacebit, uerum etiam uicini circummanentes cogentur, dampnum eis illatum ad integrum de propriis rebus restituere. Locum uero predictum, a fratre meo Deo oblatum, cum omnibus pertinentiis suis, sicut ipse fecerat, ita nos manumittimus et ab omni exactione iuris, quod ullo modo in eo habere possemus, uel quisquam ex parte nostra, liberrimum constituimus. Omnem etiam immunitatem, quam frater meus eisdem canonicis et hominibus eorum, tam Theutonicis quam Slauis, concesserat, nos simili deuotione indulgemus, remittentes eis onus edificationis urbium et ut per totam terram nostram ab omni exactione theloni liberi existant, tam in terra quam in aqua, in foro uidelicet, in pontibus, in urbibus et in nauibus. Concedimus quoque omnibus hominibus nostris, ut si quis ex eis, diuina monitus inspiratione, aliquid de bonis, que a nobis possidet, predictis fratribus conferre uoluerit, liberam habeat licentiam hoc faciendi et ipsi fratres liberam nichilominus habeant facultatem recipiendi et in usus proprios ea libertate, qua cetera donauimus, conuertendi. Has uillas et hec omnia supranominata cum omnibus, que ad uillas pertinent, hoc est areis, edificiis, mancipiis, terris cultis et incultis, pascuis, pratis, campis, exitibus et redbus, siluis, uenationibus, aquis aquarumue decursibus, molendinis, piscationibus, uis et inuis, questis et inquirendis, cum omnibus, que ullo modo dici aut nominari possunt, prefate ecclesie tam absolute concedimus atque confirmamus, ut prepositus eiusdem ecclesie cum fratrum suorum uoluntate libera pociatur facultate et omnes in eodem loco eiusdem professionis ei succedentes, hec omnia pro libitu suo disponendi et ad utilitatem eiusdem ecclesie modis omnibus conuertendi. Et ut hec nostra traditio inconuulsa firmitate per omnia succedentium curricula temporum inuiolabilisque permaneat, presentem paginam sigilli nostri testimonio sussultam eis deuote tradidimus. Actum Szvvine anno dominice incarnationis M.C.LXXXII^o, concurrente III^a, epacta XIII^a, indictione XV^a, regnante

domino Friderico glorioso Romanorum imperatore, anno imperii eius XXXII^o, presentibus: ex clero: domino Conrado Pomeranensi episcopo, Helmuvigo abbate de Ztulpe, preposito Walthero de Uznam, preposito Sifrido de Camin, Reinerio, Bucvvalo, sacerdotibus, Alberto, Eluero, diaconibus; ex laicis uero: Budeuino, Johanne, Pribo, Buric, Golete, Venezlao et aliis pluribus fidelibus.

Nach den Jahrbüchern des Mecklenb. histor. Vereines III, 203.

X. Bischof Hugelbert von Havelberg beurkundet, Namens seines Capitels, das Dorf Dolniz gegen die Zehenthebung in den Dörfern Burgstal, Clodene, Dalechow, Wittenmore, Ten und Mland an die Halberstädter Kirche vertauscht zu haben, im Jahre 1186.

In nomine sancte et individue trinitatis. Ego Hugelbertus (sic) Dei Gratia Havelbergensis ecclesie episcopus, omnibus christi fidelibus tam futuri quam presentis temporis in perpetuum. Notum sit omnium fidelium uniuersitati, quod ad commodum havelbergensis ecclesie et fratrum inibi deo feruentium decimas quarundam uillarum wittemore uidelicet, Burstelle, Clodene, Dalechowe et mansorum septem quatuor in uilla ten, que sita est in prato, quod uulgo Wisch dicitur, item in prato in uilla, que alende uocatur, trium (sic) mansorum, tam nobis quam eiusdem ecclesie conuentui pertinentium, quae uel qui in haluerstadenfis aeccliesie diocesi sitae uel siti erant, per donationem uillae, quae dolniz nominatur commutauimus. Eandem enim uillam praedictae scilicet haluerstadenfis aeccliesie una cum uoto et stipulatione aduocati nostri Ottonis marchionis et fratris sui heinrici comitis in recompensationem predictarum decimarum donauimus. Vt autem hoc factum nostrum robur sortiri ualeat nec ab aliquo in contrarium uenire uolenti possit renocari, de auctoritate et consensu nostri prepositi hellemberti et totius capituli nostri scripto annotauimus et sigilli nostri impressione consignauimus, statuentes et sub interminatione excommunicationis firmiter prohibentes, ne quis ex parte aeccliesie nostre ullo unquam tempore audeat in contrarium uenire. Acta sunt haec anno dominicae incarnationis M^o. C^o. LXXX^o. VI^o. Indictione III^a. Epacta XXVIII^a Concurrente II^a. sub testibus honestis uiris clericis et laicis, Clericis his: haluerstadenfis ecclesie archidiacono Romaro, havelbergensis aeccliesie preposito hellemberto cum conuentu suo, Jerichontine aeccliesie preposito Salemone cum conuentu suo, Laicis autem his: Ottone marchione cum fratre suo henrico comite, Comite Alberto de Osterburg, Sifrido burgrauio de arnburg et filio ejus Conrado, Rothardo de Snetlingen, Brunone de Gerfleue, Cunone camerario, Wernero de Gardelene, Rvdengero et henrico de osterburg et aliis quam pluribus.

Nach dem Originale des Königl. Provinzialarchives in Magdeburg. Neuester fehlerhaft abgedruckt bei Buchholz, Geschichte der Churm. Brandenburg Thl. IV, Urk. Anh. C. 31 und ebendrein mit der falschen Jahreszahl 1168 in Ludewig Reliqu. Mspt. Das ae und e so wie das f und s sind im Originale abwechselnd gebraucht.